

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 23 » հունիսի 2019թ.

N 2-2/15

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի հասարակական կարգի պահպանության ծառայության աշխատակից Կ. Ասատրյանի կողմից 22.05.2018 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգրք) 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Անահիտ Աշոտի Մխիկյանի կողմից Չելտվի փողոցի հ. 34 շենքի նկուղային տարածքում ինքնակամ իրականացվել է նկուղային տարածքի մուտքի վերակառուցման շինարարական աշխատանքներ, մասնավորապես ընդլայնելով նշված տարածքը, որի վերաբերյալ 22.05.2018 թվականին կազմվել է վարչական իրավախախտման վերաբերյալ թիվ 028355 արձանագրությունը (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Անահիտ Աշոտի Մխիկյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Անահիտ Աշոտի Մխիկյանին Երևանի քաղաքապետարանում կայանալիք նիստի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Հաշվի առնելով, որ Հայաստանի Հանրապետության վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով 11.07.2018 թվականի վարչական իրավախախտման գործի վերաբերյալ հ. Վ-26/5 որոշմամբ 22.05.2018 թվականին քաղաքացի Անահիտ Աշոտի Մխիկյանի նկատմամբ կազմված հ. 028355 արձանագրության հիման վրա հարուցված վարչական վարույթը կասեցվել է մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Անահիտ Աշոտի Մխիկյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Անահիտ Աշոտի Մխիկյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Վարչական իրավախախտման գործի վերաբերյալ 29.08.2018 թվականի հ. Վ-33/18, 24.10.2018 թվականի հ. Վ-39/10, 19.12.2018 թվականի հ. Վ-47/29 որոշումներով քաղաքացի Անահիտ Աշոտի Մխիկյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 05.09.2018 թվականի հ. Վ-34/18, 31.10.2018 թվականի հ. Վ-40/15, 25.12.2018 թվականի հ. Վ-48/15 որոշումներով կասեցվել է 22.05.2018 թվականին քաղաքացի Անահիտ Աշոտի Մխիկյանի նկատմամբ կազմված հ. 028355 արձանագրության հիման վրա հարուցված վարչական վարույթը մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Անահիտ Աշոտի Մխիկյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Անահիտ Աշոտի Մխիկյանին Երևանի քաղաքապետարանում 23.01.2019 թվականին կայանալիք նիստին ծանուցելու համար:

Հարուցված վարչական վարույթի շրջանակներում գործի փաստական հանգամանքների քննարկմանը ներկայացել է քաղաքացի Անահիտ Աշոտի Մխիկյանի լիազոր ներկայացուցիչ Գայանե Յուրայի Ավետիսյանը (անձնագիր AN 0419697, տրված 25.03.2013 թվականին 003-ի կողմից), հետևաբար վերացվել է վերը նշված վարչական վարույթի կասեցման հիմքերը:

Քաղաքացի Անահիտ Աշոտի Մխիկյանի լիազոր ներկայացուցիչ Գայանե Յուրայի Ավետիսյանը բացատրություն տվեց այն մասին, որ չեն ընդունում իրավախախտումը: Արձանագրությունը կազմվել է իր աղջկա նկատմամբ:

Գործի քննության ընթացքում ուսումնասիրվեցին արձանագրությունը, սեփականության իրավունքի գրանցման վկայականի պատճենը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 09.07.2018 թվականի հ. 19/37616հ, 23.10.2018 թվականի հ. 19/37616հ, գրությունները, Երևան քաղաքի Շենգավիթ վարչական շրջանի ղեկավարի 29.06.2018 թվականի հ. 22/01-18/46744, 18.01.2019 թվականի հ. 22/01-19/2020 գրությունները, Երևանի քաղաքապետարանի աշխատակազմի հասարակական կարգի պահպանության ծառայության պետի 18.06.2018 թվականի հ. 51/44-37616հ, 30.07.2018

թվականի հ. 51/44-37616հ, 01.10.2018 թվականի հ. 51/44-37616հ, 20.11.2018 թվականի հ. 51/44-37616հ, 22.01.2019 թվականի հ. 51/44-37616հ գրությունները, 26.10.2006 թվականի հ. Ա-290Մ-147 տեղեկանքը, ՀՀ ոստիկանության Երևան քաղաքի վարչության Շենգավիթի բաժնի պետի 16.11.2018 թվականի հ. 28/5-20064, 17.01.2019 թվականի հ. 28/5-726 գրությունները, լիազորագիրը և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, քաղաքացի Անահիտ Աշոտի Մխիկյանի կողմից ինքնակամ իրականացվել է Չեխովի փողոցի հ. 34 շենքի նկուղային մուտքի տարածքի ընդլայնմամբ վերակառուցման շինարարական աշխատանքներ, որով թույլ է տվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի համաձայն՝ սեփականության կամ հողօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Համաձայն «Վարչարարության հիմունքների և վարչական վարույթի մասին» ՀՀ օրենքի (այսուհետ՝ Օրենք) 1-ին հոդվածի՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Համաձայն Օրենքի 49-րդ հոդվածի 1-ին մասի «գ» կետի՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Համաձայն Օրենքի 49-րդ հոդվածի 3-րդ մասի՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, Օրենքի 49-րդ հոդվածի 1-ին մասի «գ» կետով, 3-րդ մասով, 219.1-րդ, 281-րդ և 282-րդ հոդվածներով, Երևանի քաղաքապետի 23.08.2013 թվականի թիվ 4180-Ա որոշմամբ (փոփոխ. 01.08.2017 թվականի թիվ 2645-Ա)՝

ՈՐՈՇԵՑԻ

1. Քաղաքացի Անահիտ Աշոտի Մխիկյանի նկատմամբ 25.12.2018 թվականի հ. Վ-48/15 որոշմամբ կասեցվեած վարչական վարույթը վերսկսել:

2. Քաղաքացի Անահիտ Աշոտի Մխիկյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական զանձապետարանի N 900015211239 հաշվին:

4. Սույն որոշումը կարող է բողոքարկվել վերադատության (վարչական) և դատական կարգով՝ որոշումն ուժի մեջ մտնելուց հետո երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺՆԻ ՊԵՏ՝



ԱՆԴՐԱՆԻԿ ՄԱՐՏԻՐՈՍՅԱՆ